

TE HEHEURAA API

»»»»»
NOVEMA 1939

To Tatou Nohoraa Matamua

I Te hoê taime ua faatiahia te hoê apooraa rahi i te ra'i ra, e tei reira hoi tatou. Ua faaitēhia ia tatou i reira, te huru o te hoê opuaraa rahi ta to tatou Metua i faatia na tatou. Teie taua opuaraa ra: E mea tia ia vaiiho tatou i to tatou oraraa matamua, oia hoi, te nohoraa o te mau varua, e haere atu i te piti o to tatou oraraa, e e farii i to tatou tino tahuti no roto mai i na metua tahuti. E ia hi'opoahia tatou i reira no nia i to tatou fariiraa i te mau ohipa ta te Atua i faaue ia tatou, e ua opua-atoa-hia e, ia vaiiho tatou i to tatou oraraa matamua, e moe atoa te huru o te oraraa matamua e tia'i, ia tiamâ tatou ia maiti tatou i te ohipa maitai e a ore râ i te ohipa ino, mai te au i to tatou iho hinaaro. E ua horoahia mai ia tatou te parau fafau e, ia haapao tatou i te mau faataaraa o taua opuaraa ra, e farii mai ia tatou i te oaoa mure ore.

Noa'tu e, ua ite tatou i te faito, farii ihora tatou i te reira no te mea e, aita atu â e ravea e vai nei ia roaa ia tatou te hara ore e te oaoa mure ore, e a faaroo ai tatou i taua opuaraa ra, ua himene noa tatou paatoa, *e ua pii noa te mau tamarii atoa a te Atua i te oaoa.* (Ioba 38:7)

Ua faaite to tatou Metua ia tatou e, no te rahiraa o te hara, ia vai te hoê Faaora e tia'i, e ua anihia te hoê o tei hinaaro i te rave i te reira ohipa.

O Lutifero, te tamaiti no te po'ipo'i, e varua teoteo e te ite ia, tei haere mai i mua i te aro o te Metua, e ua na ô maira e, *Inaha, teie au, a tonu atu ia'u ei Tamaiti na oe, e na'u e faaora i te mau huru taata atoa, eita te hoê varua e moe, oia mau, e na reira vau, e no reira a horoa mai ia'u to oe tura.*

I muri iho ua na ô maira te Tamaiti here a te Atua, oia hoi to tatou tuana, o Iesu e, *E ta'u Metua, ia ravehia to oe na hinaaro, e no oe te hanahana e a muri noa'tu.* E ua mau-ruru ore te Metua i ta Lutifero opuaraa no te mea e, e iriti te reira i te tiamâ o te taata, e no reira ua fariihia te opuaraa o te Tamaiti here. (Buka Poe Tao'a Rahi, Mose 4: 1-4)

E no teie nei mea, ua ume atu Lutifero i te toru o te tufaa o te mau varua i to'na paeau, e ua patoi ratou i te Atua. Te na ô maira te Apokalupo i te pene 12, i te irava 7 e te 8, *E e tama'i tei nia i te ra'i: O Mihaela e ta'na ra mau melahi, tama'i atura i te teni, e ua tama'i maira te teni e ta'na ra mau melahi. Aore ra i riro te rê ia ratou; e aore roa'tu o ratou e parahiraa i nia i te ra'i.* E ua papaihia i roto i te buka a Iuda e, *E te mau melahi atoa o tei ore i haapao i to ratou iho toroa ra, faarue ihora râ i to ratou parahiraa, o tei tapeahia ia e ana i te fifi matara ore i raro a'e i te pouri, e tae noa'tu i te haavaraa i te mahana rahi ra.* (Iuda 1:6)

O tatou tei te pae tahuti nei, o te mau fetia po'ipo'i tei himene e te mau tamarii a te Atua tei pii noa i te oaoa. (Ioba 38:7) *Oia i maiti ia tatou i roto ia'na hou te tumu o teie nei ao ra.* (Ephesia 1:4)

Te faaite mai nei te pene matamua i roto i te Genese e, *Ta te Atua iho i hamani ai te mau mea atoa i nia iho i te ao nei, i muri iho hamani ihora hoi te Atua i te taata ma to'na ihora huru.* Area râ i roto i te pene piti o te Genese e tai'o tatou, *Oti a'era te ra'i e te fenua, e to roto atoa ra—e te raau atoa o te fenua nei, aore i nia iho i te fenua i reira, e te mau raau rii o te fenua aore e tupu—e aore hoi e taata ei faaapu.* E i roto i te irava hitu atoa, *A hamani ai te Atua ra o Iehova i te taata i te repo fenua nei, ua haapuai ihora oia i te aho ora i roto i ta'na apoo ihu ra, riro a'era te taata ei taata ora.* O te hamaniraa matamua tei faaitehia ra, o to te varua ia, e te piti o te hamaniraa ra, o to te tino tahuti ia.

E tei reira tatou paatoa i te ra'i, i roto i to tatou oraraa tahito. E i tera taime e i tera taime na hehen to tatou Metua i te ra'i i te ite no taua oraraa ra i to'na mau taata haapao maitai. Na ô maira te Fatu ia Ieremia, *Aita oe i hamanihia e au i roto i te opu, i ite ai au ia oe: e aita oe i fanau, i faatiahia'i oe e au, e ua haapzohia oe e au, ei peropheta na te mau fenua.* (Ieremia 1:5) Ua tai'o a'e nei tatou i to Ioba faaite-raa no te reira, e aita e rahi te taata e feaa i te oraraa matamua o te Mesia, no te mea e, e nehenehe ia ratou ia ite papu roa te reira i roto i te mau Papairaa Mo'a.

E ua na ô maira o Paulo atoa e, *E e metua hoi to tatou to te tino nei, o tei a'o mai ia tatou, e ua faaite hoi tatou, eiaha ia rahi atu to tatou auraro i te metua o te varua nei, e ia ora'tu.* (Hebera 12:9) *E teie nei, e tamarii tatou na te Atua.* (Ohipa 17:29)

Ia
mai ia
to tat
Ua o
té pit
e, o r
ratou
e a m
vea r

te pa
hoi a
pao c
haafa
to ou
ia ou

Ina
rave
ni, a

E
para
pue
tauir
arii i

E
na at
Atua
outo
outo

E
ni ia
ra m
ton,
hina
men
aau

Ia feruri maite noa â tatou i nia i te mau ravea i horoahia mai ia tatou no te haere-faahou-raa i mua i te aro o te Atua, to tatou Metua, e i te noho-faahou-raa i pihaiho ia'na ra. Ua oti to tatou oraraa matamua, e i teie nei tei roto tatou i te piti o to tatou oraraa, e te na ô maira te mau Parau Mo'a e, o ratou te haapao maite i te piti o to ratou oraraa, e farii ratou i te hanahana mau i nia iho i to ratou upoo, e a muri e a muri noa'tu. E ia feruri noa tatou i nia i taua mau ravea ra tei faatiahia no tatou—**E Faufaa Anei?**

Papathia e Donald C. Thoresen

Faaauhia e' reo Tahiti e Joseph G. Stevens "Iosepha"

EDITORIALE

E AU mau taeae, e te taata atoa i putuputu mai nei, e te taata atoa hoi e tia ia faaroo i ta'u nei parau, te parau ta'u e a'o atu ia outou na i teie nei mahana; aore hoi au i faaue atu ia outou e haere mai i ô nei e faaroo haapao ore uoa i ta'u e parau nei, ia faaroo râ outou ia'u, e ia haafatafata i to outou tari'a ia faaroo, e to outou aau ia ite, e to outou mana'o ia faaitehia mai te mau mea taa ê a te Atua ia outou na.

Inaha, ua parauhia vau e outou, o te arii no outou; e ia rave au, o tei parauhia i te arii no outou ra, i te obipa tavini, aore anei e tia ia tavini no outou te tabii te tahi?

E inaha hoi, ia au to outou haamaitairaa mai ia'u nei, i tei parauhia e outou i te arii no outou, e tei faa hope hoi i o'na pue mahana i te taviniraa ia outou, o te Atua ana'e râ tei tauinihia, ia rahi roa'tu ta outou haamaitairaa'tu i to outou arii i te ra'i ra.

E parau atu vau ia outou, e au mau taeae, ia hope te mana atoa o to outou mau varua i te haamaitai e i te arue i taua Atua ro tei hamani ia outou, e tei haapao, e tei faaora hoi ia outou, e tei faaoaoa, e tei horoa mai i te parahiraa hau ia outou te tahi i te tahi.

E parau atu vau ia outou, ia tavini outou ia'na i tei hamani ia outou mai te matamua mai â, e tei faaora ia outou i tera mahana i tera mahana, i te horoaraa mai i te aho no outou, ia ora, e ia hahaere, e ia rave hoi outou i to outou iho hinaaro, e i te tautururaa mai ia outou i tera meneti i tera meneti; e parau atu vau, ia tavini outou ia'na ma to outou aau atoa, e mau tavini faufaa ore â outou i reira.

E inaha, ua hinaaro ana'e oia ia haapao outou i ta'na mau faaue; e ua parau mai hoi oia ia outou ra e, ia haapao outou i ta'na mau faaue, e maitai ia outou i te fenua nei; aore roa hoi ta'na e faahuru-ê-raa i ta'na i parau maira; e tena na, ia haapao outou i ta'na ra mau faaue, e haamaitai, e e haamanuia hoi oia ia outou.

E teie nei, i te matamua ra, i hamani ai oia ia outou, e i horoa mai ai hoi i to outou ora ia outou ra, e ua riro ia outou ei amutarahu na'na.

E te piti ra: Ua hinaaro oia ia haapao outou i ta'na i faaue mai ia outou ra; e mai te mea e na reira outou, e ore e mahia e haamaitai vave mai oia ia outou; e i reira, ua roaa ta outou utua ia'na. E e amutarahu â outou ia'na; e e amutarahu hoi outou i teie nei, e a muri noa'tu; e no reira, eaha ta outou, e tia'i ia outou ia faaahaaha?

Buka a Moromona, *Mosia 2:9, 18-24.*

TE TURE NO TE VIIVII ORE

(E tuatiraa teie parau)

Ta Tatou Faaauraa no te Faaineineraa i te mau Tino
Tahuti ei Parahiraa no te mau Varua

I to te taata tuuraahia mai i nia i te fenua nei, ua faauehia oia *Ia fanau, e ia rahi*. Aita atu e faaueraa rahi a'e i horoahia mai i te taata nei, no te mea, na roto i te faaipopiporaa tia e faataehia mai ai te mau varua i te ao nei. Ua parau mai o Birigama Youne, *Ua rave rahi te muriadi o te mau varua viivii ore e te mo'a tei tia'i noa i te taime no te raveraa i te hoê tino, eiaha ia ta tatou ohipa i reira?* E na'na iho i pahono i ta'na uiraa i te na ô raa e, *Ta tatou ohipa, o te faaineine ia i te mau hiero no ratou, oia hoi, ia imi i te ravea ia ore ratou ia tomo i roto i te mau utuafare o te feia ino, no te mea e putohia ratou no te raveraa i te ino, te inuraa i te ava e te raveraa i te mau huru ino atoa ra. E te ohipa a te mau tane e te mau vahine parau-tia o te faaineine ia i te hiero no te mau varua atoa.*

I to Iosepha F. Semita haapiiraa i te mau metua vahine no te ekalesia e, ua parau oia e:

Te mana'o nei au e, e ino rahi haama te reira mai te mea te vai nei, i roto i te mau melo no te ekalesia, te mana'o e, eiaha ratou e fanau i te tamarii. Te mana'o atoa nei au e, e hara rahi ia ore te hoê tane e ta'na vahine, tei noaa ia raua te tino maitai, ia horoa i te reira i ta raua huaai. Te mana'o

nei au e
faaiti i
Eita va
rahi e v

Ia fa
te faaue
ere râ i
Mai te
raa i te
ra, te fa
o te hu
taua fa
ratou.
pae e h
te vai r
te mea
parau f
e noaa
auraa r
maitair

O va
pao i te
e faaor
e parau
pa a te
hoi ia r
ha i ni

Te h
mau m
haere r
feia ra
Eiaha
Ua rav
hia ia
te upu

E e t
feia ra
ua i te
ia rato

nei au e, ia haamata te hoê nunaa i te faaore, e a ore râ, i te faaiti i te fanauraa, eita e maoro e farii ia oia i ta'na utua. Eita vau e taia ia parau e, o te hoê te reira o te mau hara rahi e vai nei i roto i te ao nei i teie nei.

Te mau Haamaitairaa o te Utuafare mure ore.

Ia faaipoipo te mau taure'are'a e ia ore ratou ia haapao i te faaueraa tei horoahia i te haamataraa o te ao nei, te faaere râ ia ratou ia ratou iho i te mau haamaitairaa mure ore. Mai te mea ua hau atu to te hoê tane e te hoê vahine haapao-raa i te mau peû ino o te ao nei, i te mau faaueraa a te Atua ra, te faaere râ ia ratou ia ratou iho i te haamaitairaa mure ore o te huaai. E anatemahia te feia te parau e, ia haapararihia taua faaueraa rahi ra; eita te varua o te Fatu e vai i roto ia ratou. Ua rahi te mau utuafare nainai i teie nei, aita te tahi pae e hinaaro nei ia haapeapeahia ratou e te tamarii. Area te vai mana noa nei â te faaueraa i horoahia ia Adamu. Mai te mea aita tatou e hinaaro i te ora mai te au i ta tatou mau parau faaau, tei ravehia i roto i te Fare o te Fatu, nahea ia e noaa mai ai ia tatou te mau haamaitairaa no te mau faaauraa mure ore? Eita te reira e tia e eita te reira mau haamaitairaa e horoahia na ratou.

O vai au, te parau maira te Fatu, tei fafau e tei ore i haapao i te reira. Ua faaue au e aita te mau taata e faaroo nei; e faaore au ia ore ratou ia farii i te haamaitairaa. E i reira e parau ratou i roto i to ratou mafatu: E ere te reira i te ohipa a te Fatu, no te mea aita i faaîhia ta'na mau fafau. A tae hoi ia ratou e, te tia nei ta ratou faautuaraa i raro nei, eiaha i nia. (Buka Fafau 58:31-33)

Te haere nei te ao nei i to'na hopea, oia hoi te hopea o te mau mahana no te ino. Ia para ana'e oia i roto i te ino, e haere mai te Fatu, na nia i te ata o te ra'i, no te tahoo i te feia rave hara, no te mea ua tupu to'na riri ia ratou. Eiaha outou e mana'o e, e faahuru ê oia i to'na haereraa mai. Ua rave rahi a'enei te mau tapao no to'ua taeraa mai tei itehia ia tia ia tatou, mai te mea e hinaaro tatou, ia ite e, tei te uputa noa iho taua mahana ra.

E e tae mai, no te rahi o te ino o te ao nei, e e tahoo vau i te feia rave hara; no te mea aita ratou e hinaaro i te tatarahapa; ua i te au'a o to'u riri ia ratou; e inaha, eita to'u toto e tamâ ia ratou ia ore ratou ia faaroo ia'u. **B. F. 29:17.**

*Papahia e Iosepha F. Semitz, te hôte Apostolo
Faaahia i reo Tahiti e Marcel Bonnet*

TE PARAU AUTAHU'ARAA

No te Ava'e DITEMA

TE MAU TAATA TUIROO O TE BIBILIA

A FAATANO I TEIE MAU UIRAA I NIA I TE
MAU TAATA'TOA E HAAPIIHIA

1. E peropheta anei oia ? 2. Ua tohu mai anei oia i te tahi mau to-
huraa ? 3. Ua tupu anei ta'na mau tohuraa ? 4. Eaha te huru o to'-
na maitiraahia ? 5. Eaha te mau ohipa i faataahia na'na ? 6. E mea
tia anei to'na raveraa i ta'na ohipa, e a ore râ, aita anei ? 7. Eaha
te tumu i na reira'i oia ? 8. Ua mauruuru anei te Atua ia'na ? No
te aha ? 9. Eaha te rê i roaa ia'na no to'na ora ? 10. Eaha te fau-
faa rahi no to'na ora ia tatou nei ?

Ditema 3. BOAZA. Ruta pene 2; 3; e te 4,

Ditema 10. MOREDEKAI. Esetera 2:5-11; 4; 19.

Ditema 17. HAMANA. Esetera pene 3 e tae noa'tu i te 7.

Ditema 24. MIKA. Mika 1; 2:1,12; 4:1-7; 7.

Ditema 31. Hi'opoaraa.

Na Te Mau Maapii

Mahaere na te Mau Utuafare

Ta Tatou Titarraa Mau

Ia ite tatou i te mau taata tei roaa ia ratou te faufaa o teie
nei ao, ua nounou paha ia tatou i ta ratou ma te mana'o e,
ua haamaitai-mau-hia ratou no te rahiraa o ta ratou moni e
te taihaa o teie nei ao. Eiaha râ tatou e mana'o noa mai te
reira te huru. Ia feruri râ tatou mai te hoê o tei parau mai e,

"Ia'u i feii i te feia taiata ra, e ite ai au i te maitai o te
paieti ore ra. Ia'u ra i imi ia ite au i taua parau nei, e mea
huru noaa ore ia ia'u. Ia haere râ vau i roto i te vahi mo'a
a te Atua ra, e ite a'era vau i to ratou hopea. Ua tuuhia ra-
tou e oe i te vahi paia; ua taora-taue-hia ratou e oe ia pobe
roa'tu. O te vavevave o to ratou pohe e ! I pau roa'tu ai ra-
tou i te ati rahi ra ! Inaha hoi, te feia i taiva ia oe ra e mou
ia ! e te feia atoa e faarue ia oe ra, e rave-pohe-roa-hia ia e
oe ! E mea maitai râ ia'u ia haafatata'tu i te Atua: ua tia-
turi au i te Fatu ra ia Iehova, ia faaite â vau i ta oe atoa ra
mau ohipa. *Salamo 73:3, 16-19, 27-28.*

Ia haman
faaore hoi i
i te Mesia r

Mahana

Parau t

Ia au râ t
ia outou, e
outou ma te
ra i te evan

Ua haa
i te maita
raa i te m
ore râ, te
pairaa i t
te hi'opoa

Pau

To Pau

pa 12

Ta Pau

Ohipa

To Pau

To Pau

oia, u

Ohipa

Ua tuu

Philip

Mahana

TE SOTAIETE VAHINE TAUTURU

No te Ava'e DITEMA

Irava tamau aau: Ephesia 4:32

Ia hamani maitai outou ia outou iho, ma te aau mārū aroha noa, ma te faaore hoi i te hara te tahi e te tahi, mai ta te Atua i faaore mai i ta outou i te Mesia ra.

Mahana Maha (Matamua)

Mahana iritiraa mana'o e te himene na te mau tuahine.

Parau tumu na na tuahine hakaere: Te a'oraa au maitai.

Ia au râ ta outou parau i te evanelia o te Mesia, e i reva'tu na vau e hi'o ia outou, e aore ia, ia faaroo râ vau i te parau ia outou, e te mau papu ra outou ma te varua hoê, e ma te aau hoê, i te faaitoito-atoa-raa i te parau ra i te evanelia nei.

Ua haapii mai te peropheta ra o Iosepha Semita e, a hi'o i te maitai i roto i te taata nei, no te faatiaraa e te paturu-raa i te maitai. E ere i te mea maitai ia faarahi i te ino e a ore râ, te haaparareraa i te ino na roto i te parauraa e te papairaa i te parau. A ora ana'e tatou i te hoê oraraa te tia i te hi'opoa-maite-hia.

Mahana Maha (Piti)

Paulo te Misionare.

To Paulo haereraa i te Etene i to'na tere matamua. Ohipa 12:25.

Ta Paulo ohipa i Anetiohia. Ta'na a'oraa rahi i reira. Ohipa pene 13.

To Paulo faafariuraa i te mau Etene. Ohipa 14:27.

Mahana Maha (Toru)

To Paulo haere-noa-raa i to'na tere matamua, na a'o noa oia, na rave i te semeio, e ua faafariu noa oia i te Etene. Ohipa pene 14.

Ua tuuhia o Paulo raua o Sila i roto i te fare tapearaa i Philipi ra. Ohipa pene 16.

(Mahana Maha hopea.)

Mahana raveraa ohipa na te mau tuahine.

HAAPIIRAA SABATI

No te Ava'e DITEMA

PUPU PARAIMERE

Irava tamau aau: *Te Mau Tavana 5:31.*

Ia na reira atoa te mau enemi atoa no oe i te pohe, e Iehova e: area te feia i hinaaro ia'na ra, ia riro ia ratou, mai te mahana ia hiti mai to'na ana-ana rahi ra.

Ditema 3. Te aamu no te hoê fata i pihaiho i te anavai. Iosua 22:1 e tae noa'tu i te 24:33.

Ditema 10. Te horoaraa ta Ehuda i horoa ia Egalona, te arii. Te Mau Tavana 3:12-31.

Ditema 17. Te manuiaraa o te hoê vahine. Te Mau Tavana 4; 5.

Ditema 24. Gideona e te toru hanere. Te Mau Tavana 6:1 e tae noa'tu i te 8:28.

Ditema 31. Hi'opoaraa.

PUPU PITI

Irava tamau aau: *III Nephi 15:21.*

E oia mau ta'u e parau atu ia outou, no outou ta'u parau ra, a na o atu ai au e, E mamoe ê atu â ta'u, e ere i to teie nei aua, e aratai atoa mai au ia ratou e tia'i, e faaroo mai hoi ratou i to'u reo, ia hoê a'e nănă, e hoê hoi tia'i.

Ditema 3. Te tupuraa o te faaroo i rotopu i te ati Nephi. III Nephi pene 2.

Ditema 10. Te tupuraa o te pouri i te taime no te faasataurora o Iesu. III Nephi pene 8.

Ditema 17. Te mau mamoe ê atu â, e ere i to teie nei aua. III Nephi pene 15.

Ditema 24. Te i'oa ta Iesu i horoa'tu i ta'na Ekalesia. III Nephi pene 27.

Ditema 31. Hi'opoaraa.

PUPU TORU e te MAHA

Irava tamau aau: *III Nephi 25:5, 6.*

Inaha, e tono na vau i te peropheta ra ia Elia ia outou na, a tae atu ai i taua mahana rahi mātā'u o te Fatu ra; ia faafariu oia i te aau o te mau metua i te tamarii, e te aau o te tamarii i to ratou mau metua, o te haere mai hoi au, e o te tairi i te fenua nei i te ino.

Ditema 3. E mau tohuraa. III Nephi pene 22.

Ditema 10. To Iesu tatararaa i ta ratou mau parau papai. III Nephi pene 23.

Ditema 17. Ua faatuehia ratou ia papai i te mau parau ta te Metua i horoa ia Malaki. III Nephi pene 24.

Ditema 24. Te fatata maira te mahana. III Nephi pene 25.

Ditema 31. Hi'opoaraa.

Te faa
ei aau m
ia na o t
roo nei
i faaoro
mai i te
ra, e te
roo mai

Na
roo o t
hana E
riiraa
pao m
iho i t
mau n
bati au
toa i r
hobo'a
hia ia

"O
tatou
mau v
eiaha

"O
mea te
mai ia
na oe
to'u fa

Te M
mua o t
nei ?
to te ao
5. Eah
pa ? 7

NO TE AVA'E DITEMA

Te faaroo nei matou e, eiaha e eiâ, eiaha e haavare, eiaha hoi e taiata, ei aaui mârû râ, e te viivii ore e te hamani maitairaa'tn i te taata atoa. E ia na o tatou i te faaiteraa'tu te pee nei tatou i te a'oraa a Paulo: "Te faaroo nei matou e te tiai nei hoi i te mau mea atoa." E rave rahi te mau mea i faaoromaihia e matou, e te hinaaro nei matou ia itoitō matou i te faaoromai i te mau mea atoa ra. E mai te mea te vai atura te hoê mau mea tia ra, e te mau mea viivii ore ra, e te mau mea poupouhia ra, e te mau mea roo maitai ra, e titau maite â ia matou i te reira.



TE HAAPAORAA FAUFAA RAHI

Te Mau Uiraa: 1. Na hea mai te irava hopea o te mau paran mata-mua o te faaroo? 2. Eaha te a'oraa a Paulo ta to te Ekalesia nei e pee nei? 3. E mea tia anei ia tauturu te mau haapaoraa i te ohipa pae tino o to te ao nei? 4. Eaha te faufaa o te "haapaoraa no te Sabati an'ae"? 5. Eaha te paietia mau? 6. E mea faufaa anei to te faaroo ia ore te ohipa? 7. No te aha? 8. E faaitheia te faaroo na roto i te aha?

*Haapiiraa Piti No Nia I***TE MAU MEA MAITAI**

Mai te au i tei faaitehia i roto i te Hiroa Faaroo hopea, te vai nei i roto i te Ekalesia te vahi no te mau mea tia atoa ra, e te mau mea viivii ore ra, e te mau mea poupouhia ra, e te mau mea roo maitai ra. Te haapii itoito noa nei â te Ekalesia e, aita te Atua e haapao i te huru o te taata, e haava ra oia i te mau taata atoa mai te au i ta ratou ohipa. (Apokalupo 20:12)

Ua faaite-atoa-hia mai te mau haapiiraa a te Ekalesia no nia i te ao a muri atu e te mau huru hanahana i reira o te horoahia i te mau taata atoa ia tae te tau no taua haavaraa rahi ra. Te faaroo noa nei â to te Ekalesia i te mau papairaa mo'a tahito, oia hoi te Bibilia, te Buka a Moromona e te Buka Poe Tao'a Rahi. Te faaroo nei hoi to te Ekalesia i te mau parau mo'a ta te Atua i horoa mai i teie tau, oia hoi, te Buka Fafau. Aita ratou i vaiiho i to ratou faaroo i reira ra; te faaroo nei râ ratou e, te farii-noa-hia nei â te mau heheura no ô mai i te Atua, e e tamau noa â te Atua i te faaite mai i ta'na mau parau mau i to'na feia mo'a e tae noa'tu i te hopea.

Te faaroo nei to te Ekalesia nei i te Atua o tei hau atu i te nehenehe e te ite i te mau ite atoa. Te haere noa nei â oia i mua, e te hinaaro nei oia ia haere atoa te taata i mua e ia riro oia mai ia'na te huru. No reira te Ekalesia i haapii ai, "Te faaroo nei matou e te tia nei hoi i te mau mea atoa ra.

Aroha: Ua tamata te mau Pharisea i te faahapa ia Iesu i te na ô raa'tu ia'na, "E Rabi, teihea te parau rahi i roto i roto i te ture? Ua parau atura Iesu, Hinaaro oe i to Atua ia Iehova ma to aau atoa, e ma to varua atoa, e ma to mana'o atoa. O te ture matamua teie e te hau i te rahi. E mai te reira atoa te piti; E aroha'tu oe i to taata-tupu, mai to aroha ia oe iho na. (Mataio 22:36-39) Ia haapao tatou i teie nature e piti nei, ua haapao ia tatou i te mau ture atoa.

Te Mau Uiraa: 1. Te vai nei i roto i te Ekalesia te vahi no te aha? 2. Afea te taata e farii ai i to'na hanahana no te ao a muri atu? 3. Eaha te mau buka mo'a a te Ekalesia a Iesu Mesia i te Feia Mo'a i te Mau Mahana Hopea Nei? 4. Ua noaa anei i te Atua te mau ite atoa? 5. Eaha to tatou auraa i te Atua? 6. Eaha te parau rahi i roto i te ture? 7. No te aha Iesu i faaite ai e, o te parau rahi teie i roto i te ture?

E faa
na haap
re. Aita

Ua pa
rau e, 'ma
mai hoi
hia ia e
ra, aore

Te Ma
tono ne
Mahana
mau fer
re nei r
roto râ

Te Sota
ravea i
tou tei
hoê ia
hipa ta
sia, ma
ia e ha
ru atoa
i te ati.

Tufaa
Tufaa A
i mutaa
haru ma
atoa o t
nei, e t
baota ra
ture ra
te peroi

Te Ma
ha i te A
tonohia n
5. Eaha
i ta te At
te Ekales
pao nei i

*Huapiiraa Toru No Nia I***TE AROHA**

E faaite atu te taata i to'na aroha i te Atua na rota i to'na haapao-maitai-raa i ta'na mau faaueraa e ta'na mau ture. Aita'tu e ravea.

Ua papai mai o Ioane, te aposetolo i herehia e Iesu, i te parau e, "E au mau here e, e aroha tatou ia tatou iho: no o mai hoi te aroha i te Atua ra, e o tei aroha ra, ua faafanauhia ia e te Atua, e ua ite hoi oia i te Atua. O te ore i aroha ra, aore ia i ite i te Atua; e aroha hoi te Atua. (I Ioane 4:7,8)

Te Mau Orometua: Na roto ana'e i te aroha i to te ao nei, te tonono nei te Ekalesia a Iesu Mesia i te Feia Mo'a i te Mau Mahana Hopea Nei i na hanere orometua e rave rahi, i te mau fenua o te ao nei, i te mau matahiti atoa. Te poro-hae-re nei ratou i te Evanelia a te Mesia ma te tarahu ore; na roto râ i to ratou aroha i to te ao nei te na reira nei ratou.

Te Sotaiete Vahine Tauturu: Te vai nei i roto i te Ekalesia te mau ravea i faataahia no te haapaoraa i te mau taata veve e ratou tei roohia i te ati. O te Sotaiete Vahine Tauturu, o te hoê ia pūpū i roto i te Ekalesia no te tautururaa i te mau ohipa tauturu ra. Ia horoahia te mau tao'a aroha i te Ekalesia, mai te moni, te maa e te mau ahu, na te Pūpū Tuahine ia e haapao, e e opere hoi i te reira i te feia veve. Te tauturu atoa nei ratou i te feia ma'i e te mau taata atoa i roohia i te ati.

Tufaa Ahuru: Te haapao nei hoi te Ekalesia i te ture no te Tufaa Ahuru mai tei haapaohia e te Feia Mo'a i te mau tau i mutaa ihora. "E haru anei te taata nei i ta te Atua? Ua haru maira outou i ta'u ra. * Hopoi mai na outou i te ahuru atoa o te mau tao'a i roto i te fare vairaa, ia maahia tau fare nei, e tamataraa te reira ia'u nei, te parau maira Iehova sabota ra." (Malaki 3:8,10) Ua faatia faahou te Atua i taua ture ra i teie tau na roto i te hoê heheuraa i horoahia mai i te peropheta ra ia Iosepha Semita i roto i te matahiti 1838.

Te Mau Uiraa: 1. Eaha ta te taata ravea no te faaite atu i to'na aroha i te Atua? 2. O vai te ite i te Atua? 3. No te aha te mau orometua i tonohia mai ai? 4. Te farii nei anei ratou i te taime no ta ratou ohipa? 5. Eaha te ohipa a te Sotaiete Vahine Tauturu? 6. Ua haru te taata nei i ta te Atua i te aha? 7. Eaha te ture o te Tufaa Ahuru? 8. No te aha te Ekalesia a Iesu Mesia i te Feia Mo'a i te Mau Mahana Hopea' Nei e haapao nei i te reira?

*Haapiiraa Maha No Nia I***TE FAAIPOIPORAA**

Te haapii mai nei te Bibilia e, ia faaipoipo te tane i te vahine e tia'i. "Ua parau ihora te Atua ra o Iehova, E ere ia i te mea maitai ia parahi noa Adamu oia ana'e ra; e hamani au i te tahi tauturu au na'na ra." (Genese 2:18) O te parau teie a te Atua no te taata matamua i nia i te ao nei. "No reira e faarue ai te taata i tana metua tane e tana metua vahine, e ati atu ai i ta'na vahine, e e riro hoi raua ei hoê."

Ua farii noa e ua faatura noa hoi te Ekalesia a Iesu Mesia i te ture no te faaipoiporaa. E parau mau roa ta te aposetolo o tei papai mai e, "Aita râ te tane i taa ê i te vahine, aita atoa te vahine i taa ê i te tane i te Fatu nei. (I Korinetia 11:11)

Te Faaipoiporaa Tiretiera. Te faaroo nei te Ekalesia e, o te faaipoiporaa, o te hoê mea mure ore ia mai te mea e e faaotihia te reira i roto i te hoê Hiero, e te taata tei ia'na te mana ia rave i te reira ohipa mo'a a te Fatu ra. Ia ô te taata i roto i te parahiraa matamua o te basileia Tiretiera, ia faaipoipo-hia oia no te pae varua e tia'i.

Te Faaturi. "Eiaha roa oe e faaturi." (Exodo 20:14) E ture tuutun ore te reira tei horoahia mai e te Atua e tei faaite-pinepine-hia e Iesu e te mau aposetolo. O teie ia te parau a te Peropheta ra o Alama no te faaturi e te paieti ore: "Ua rahi atu teie mau mea i te ino i te mau hara atoa, maori râ o te taparahi i te taata hara ore, e te hunaraa i te Varua Maitai ra." (Alama 39:5)

Te Parau Paari. "Aita outou i ite e, o te hiero outou o te Atua, e te parahi ra te Varua o te Atua i roto ia outou na?" (I Korinetia 3:16, 17) Ua heheuhia mai e te Atua te *Parau Paari* i to'na mau taata i teie tau, ei tautururaa i te taata i to'na haapao-maitai-raa i to'na tino. Te faaite mai nei te reira e, e mea ino te mau inuraa veavea, te mau mea taero e te avaava no te tino.

Te Mau Uiraa: 1. Eaha ta Iehova parau no Adamu e to'na faaearaa i raro nei? 2. No te aba te taata e faarue ai i ta'na metua tane e ta'na metua vahine? 3. Eaha ta Paulo parau no nia i te tane e te vahine? 4. Eaha te ravea ia ô te taata i roto i te Basileia Tiretiera? 5. E hara rahi anei te faaturi? 6. Eaha te Parau Paari?

E ao to

Ua n
I te h
hoa iti
te mata
hia e te
raro e t

I to r
pua iho
tamarii
ihora v
i nia ri
a tapap
ta atoa
te hoê
patia r

Ua ta
aita e r
te paru
ora. I
hia ma
A huri
tiaraa
te ani
mama
taata n

Haer
ihora i
ia'u. N
moe ia
roa'e
rima n
hana,

Hoê
ahu ma
i ite i t
tou e,

HAAPIIRAA PARAIMERE

No te Ava'e DITEMA

Irava tamau aau: *Mataio 5:8.*

E ao to tei mâ te aau; e ite hoi ratou i te Atua.

MAHANA MAHA MATAMUA

Te Faaoraraahia o Viriamu H. Dickson

Ua na ô mai taua taata ra:

I te hoê mahana, i to'u apîraa, te hauti ra vau e te tahi hoa iti no'u i nia i te hoê puea matie mârô. No te puai ra o te mata'i ua paehia te puea matie e te mau raau tei tamau-hia e te tahi mau patia matie amaa piti tei tuuhia te aufau i raro e te tara i nia.

I to maua hauti noa raa i reira haumani atura maua e o-pua ihora i te pou i raro. I reira mana'o ihora vau, mai te tamarii ra, ia faahee mai i raro, e i to'u na-reira-raa topa ihora vau i nia i te hoê patia. Puta ihora to'u tino i te reira i nia rii noa'e i to'u huha aui. Tautau noa'tura vau i reira a tapapa'i to'u hoa i te tauturu. Ua haere ê hoi te mau taata atoa i rapae i te fare maori râ na vahine apî toopiti, e na te hoê o raua, tei rahi e tei puai, i iriti ia'u no nia mai i te patia ra.

Ua tarava noa vau i te mau mahana e rave rahi e ua au e, aita e ravea no te tautururaa ia'u. Te haere noa'tura vau i te paruparuraa e ua parau te mau taata atoa e, eita vau e ora. I te hoê râ mahana ua hautiuti noa vau e ua amo-noa-hia mai te hoê piha i roto i te tahi, i na taime e rave rahi. A huri ai au i nia i to'u ro'i ite atura vau i te hoê taata i te tiaraa i ropu i te piha. Te paraparau ra oia i to'u mama ma te ani atu ia faatiahia oia ia faatahinu ia'u. Farii atura to'u mama ma te oaoa, e ua parau atoa oia e, e tii oia i te tahi taata no te tauturu ia'na, ua parau maira taua taata ra e, eiaha.

Haere maira oia i pihaiho i te ro'i, tuturi ihora, tuu ihora i to'na na rima i nia i to'u upoo e haamaitai maira oia ia'u. Noa'tu e aita i mau ia'u ta'na mau parau, eita roa e moe ia'u to'u huru i reira. O te haamaitairaa e te huru mo'a roa'e ta'u i ite i to'u oraraa. I te taime i iriti ai oia i to'na rima no nia i to'u upoo, ua ora roa ia vau. Aita i pau na mahana, e a ore râ na hora, ua ora vau i te reira iho taime.

Hoê â to'na huru i to te mau taata atoa nei o tei ahu i te ahu maitai. Aita matou i ite e, nohea mai oia, e aita te hoê i ite i to'na haereraa mai e to'na haereraa'tu. Ua ite ra matou e, ua tonohia mai oia, e te Fatu, no te faaoraraa ia'u.

MAHANA MAHA PITI

Te Utuafare o Iosepha F. Semita

I to ratou haereraa na te medebara, i te haamataraa o te tau toetoe o te matahiti 1847, moe atura ta ratou na puaatoro maitai roa ra. Imi ihora o Iosepha F. Semita ia rana na te mau vahi papu, na te vahi aihere, na roto i te uru raau, na te mau vahi atoa e tae noa'tu ua rohirohi roa oia. I to'na ho'iraa i te puhapa ite atura oia i to'na mama, te pure ra.

I te ahiahi o taua mahana ra na ô atura Mere F. Semita, "E haere au na te pae o te anavai, peneia'e e ite au i te puaatoro." Na ô maira to'na tuaane, "I to'u nei mana'o, aita e faufaa ia oe ia haere e imi i te puaatoro, no te mea ua ui haere au i te mau feia tia puaatoro i te mau vahi atoa e aita ratou i ite, e te mana'o nei au e, ua faahorohia ratou." Ua mana'o o Iosepha F. Semita mai te reira, area râ ua tiaturi oia e, e aratai te Atua i te taata ei pahonora i te pure, e na ite hoi to'na mama no te tautururaa, e ua papu ia'na e, e faaroo te Atua i ta'na pure. Pure atoa'tura o Iosepha F. Semita ia arataihia to'na mama i te vahi te reira te puaatoro, e ua faahope oia i to'na faarco i roto i ta'na pure ma te tiaturi papu e, e manuia to'na mama. I to to'na mama haereraa na pihaiho i te hoê anavai iti, farerei atura oia i te hoê taata tei parau mai e, aita e puaatoro i te vahi no reira mai oia ra. Noa'tu râ i te reira parau, ua haere noa oia i te vahi ta'na i haere e aita i maoro tae atura oia i te hoê faa iti tei i roa i te aihere e i reira to'na iteraa i ta'na na puaatoro, e e ohipa rahi ta'na i te faaho'iraa ia rana i te puhaparaa.

Inaha, te ite ra outou e, e tauturu te Fatu ia tatou i roto i te mau mea rii haihai ta tatou e rave nei, e ua riro te pure ei ravea no te fariiraa i te aratairaa no ô mai ia'na ra.

MAHANA MAHA TORU

To'na Tauturu i te Manu

I te hoê mahana, a ori haere ai o Aberahama Lincoln e to'na mau hoa na te mataeinaa, ua taa-e oia ia ratou i te hoê taima e ua ite ratou ia'na i te haereraa'tu i te hoê uru raau tei tapaehia e ratou i mua rii noa iho no te faainu i ta ratou mau puaahorofenua.

Ui maira te hoê o ratou, "Eaha ta'na e rave ra?"

Pahono atura te tahi o ratou, "I to'u iteraa hopea ia'na, ua noaa ia'na na manu rii apî e piti, ta te mata'i i faatopa i rapae i te ofaa raa, e te imi noa râ oia i te reira no te tuu faahou atu ia rana i roto ra."

I to A
momo r
atura oi

"Eita
faaho'i
ne ra."

Ua pi
ha roa o
faatia-o
tu i te l
ta Tein
I tana r
aita e ta
i te pap
te fare.

Haer
noa'e e
hauti n
te ahu
afai atu
i roto i
ra'ihia
fare e a
na ia i t
e, ua h
aoa o te
na itera
atura ia
ra o Te
inaha,
fare ma
to'na f.

Na ô
i te pap

E fa
maorol
e horoa

I to Aberahama amui-faahou-raa i to'na mau hoa ua haamomo rii ratou ia'ua no to'na mafatu aroha noa, e ua parau atura oia ia ratou:

“Eita roa ia e tia ia'u ia taoto i teie po, ahiri aita vau i faaho'i i tera nau manu rii paruparu i to ratou metua vahine ra.”

MAHANA MAHA HOPEA

Na Te Uri i Faaite

Ua pinepine to te Mama o Teina parauraa'tu ia'na e, eiaha roa oia e haere e hopu i te pape, i roto i te anavai ma te faatia-ore-hia. Ua haapao o Teina i te reira parau e tae noa'tu i te hoê mahana ua haere to'na Mama i te oire. E uri iti ta Teina te pee noa ia'na i te mau vahi atoa ta'na e haere. I tana mahana ra na ô atura o Teina i te feruriraa, “Inaha, aita e taata no te faaite ia Mama, no reira e haere au e hopu i te pape e e ho'i mai au na mua a'e i to Moma taeraa mai i te fare.”

Haere atura oia e ta'na uri atoa, aita roa râ oia i mana'o noa'e e, e faaite te uri. A hopu noa'i o Teina i te pape, te hauti noa ra te uri i to'na mau ahui, e i te hoê taima ua pee te ahui oomo i roto i te pape. Tii maira o Teina i te reira e afai atura e tara'i i nia i te pae. Rave ihora te uri i te reira i roto i to'na vaha, e te mana'o nei au e, ua ite oia e, ia tara'ihia te reira i nia i te niuniu e tia'i. Horo atura oia i te fare e aoa atura. Area, te Mama o Teina ra, ua tae ê mai na ia i te fare, e no to'na ite-ore-raa ia'na, mana'o ihora oia e, ua haere i te ori haere e ta'na uri. I to'na faaroora i te aoa o te uri haere atura oia i rapae no te farerei ia'na. I to'na iteraa i te uri ma te ahui oomo i roto i te vaha, taa ohie atura ia'na e, teihea o Teina. Pii atura oia ia'na, haere maira o Teina i rapae i te pape e i to'na faaneheneheraa ia'na, inaha, aita e ahui oomo faahou, no reira haere atura oia i te fare ma te ahui oomo ore. Tama'i atura to'na Mama ia'na no to'na faaroo ore.

Na ô atura o Teina, “Eita roa vau e haere faahou e hopu i te pape mai te mea e vai noa ta tatou uri.”

E faatura'tu i to metua tane, e to metua vahine; ia haamaorohia to oe pue mahana i te fenua ta to Atua ta Iehova e horoa no oe na.

Exodo 20:12.

PARAU API NO TE MISIŌNI

Ua faaroo a'enei matou, ma te oaoa rahi, i te parau o te hoê o to matou mau orometua maohi, oia hoi, o TAHIRI â TORIKI o te noho nei i Huahine i teie nei. Ua titauhia oia e te mau taata no te mataeinaa ra o Haapu ia haere i o ratou ra no te haapii atu ia ratou i te Evanelia a te Moromona. Ua faarue oia i ta'na iho ohipa no te haere e poro i te evanelia i reira no te mea e mea tia ia na reira oia na roto i to'na maitiraahia.

Ua tae mai te parau apî e, ua oti maitai roa te mau Amuiraa no te Ato-pa tei faaterehia i te mau fenuara i Fakarava, Makemo, Marokau, Tubuai, Tahiti e i Takaroa, e ua rahi te mau ohipa maitai i ravehia i roto i teie mau amuiraa ra.

I te 8 no Atopa i mairi a'enei ua maitihia e ua faataahia o Teuaura â Taiarui raua o Terii â Rua ei tauturu hoê e ei tauturu piti no te pûpû o te Feia Apî Tane no te Amaa i Papeete.

I te 11 no Atopa i mairi a'enei, ua tupu te hoê parau apî ra-hi roa i te fare orometua i Papeete nei, oia hoi, ua fanau te va-hine a Setefano Peresideni, o Aiona i te hoê tamaroa iti tei mairihia i te i'oa ra o Setefano nainai.

Te faaite atu nei te Heheuraa Apî i to'na mauruuru ia Monsieur RURU Spitz no to'na tautururaa mai no to'na papairaa i te mau parau apî no te tama'i i Europa. Ua mataro maitai oia i te reira huru ohipa, oia hoi, te faa-nahonaho i te parau apî na te huiraaatira, e mai teie nei atu, te rave nei ma-tou i te mau vahi maitai a'e o te reira no te mau taata o te tai'o nei i te He-heuraa Apî.

I te 15 no Atopa i mairi a'enei, ua maitihia e ua faataahia o Tauariki â Pahoto ei Peresideni no te pûpû Paraimere no te Amaa i Hao, ei mono no Ninirei â Tekehu tei vaiho i taua ohipa ra.

I te 20 no Atopa i mairi a'enei, ua tae mai o Nile orometua raua o Melavina orometua i Papeete nei, na te Tuamotu mai, e te ohipa rahi i ravehia e Nile i reira, o te faaafaroraa ia i te ohipa i roto i te na Amaa i Marokau e i Tauere hoi.

PARAU API ORC'A

FAATOROARAA

Ragivaru â Tautu, Diakono, 22-1-39, Faaite, Haurata A. Heusser

BAPETIZORAA

I'OA	MAT.	MAH. BAP.	FENUA	NA VAI I BAP.
Emeretatekuratetua â Hitiaa	8	6-8-39	Takaroa	Turoa â Tahauri
Teapauraterani â Flores	25	3-9-39	Tubuai	Teapauraterani

FANAURAA

Doris Hainamoarii â Turina, v, 19-1-39, Tubuai; m. t. Tautupaahia Turi-na, m. v. Tetuatetoro â Peretan.

Atiti Heikura â Tihoni, v, 5-6-39, Takaroa; m. t. Pumataira â Tihoni, m. v. Tepatua â Pai.

Tauragi â Mauati, v, 5-6-39, Faaite; m. t. Maoake â Teanuanua, m. v. Keha â Mauati.

Stella Teipo â Tarano, v, 16-7-39, Hao; m. t. Tehoapu â Tuteamaru, m. v. Tehuihui â Tarano.

Marutahi T

m

Tuiraki â M

m

Kenneth B

ch

FAAIPŌIPC

Puaarii â

te

Tehaere â

Teapaurate

POHERAA

Teihopeeta

Hinatatapu

Tuaroura â

Tapere â T

Orive â Ar

Taroa â Te

Tehinaiteh

Ua rau

Te tauti

E no re

faehau. E

Te anaana

paari—no

apu—na

Ua ite l

Paeau Oh

"Croix-R

ri taua Ta

paari no t

Na te ma

E no re

i te taime

Faaitoito

O

I te omu

ha e te te

E taua re

mai te ui

tatou e, u

i to te ao

opuaraa

te mea ia

hiaai i te

Marutahi Teume â Turoa, v. 19-7-39, Takaroa; m. t. Turoa â Tahauri, m. v. Tearo â Temanaha.

Tuiraki â Mariteragi, v. 7-8-39, Taega; m. t. Teahutoriki â Mariteragi, m. v. Poura â Barff.

Kenneth Richards Stevens Jr., t. 11-10-39, Papeete; m. t. Kenneth Richards Stevens, m. v. Iona Brimhall Stevens.

FAAIPOIPORAA

Puaiarii â Tahuhuatama, t. e o Tetuanui Marearea â Tahiatia, v. i Tubuai i te 16-6-39.

Tehaere â Tahuhuatama, t. e o Faatupu â Tahiatia, v. i Tubuai i te 16-6-39. Teapauraterani â Flores, t. e o Teurahaata â Tahiatia, v. i Tubuai te 4-9-39.

POHERAA

Teihopectau â Tere, t. 8-1-39, Tubuai, e 6 ava'e, Hinatetapuaruorono â Tamarohirani, v. 12-2-39, Tubuai, e 27 mat. e teafa.

Tuaroura â Tehahe, v. 18-3-39, Tubuai, 40 matahiti.

Tapere â Terakauhau, v. 24-3-39, Hao, 50 matahiti.

Orive â Anihia, t. 4-5-39, Papeete, 5 matahiti.

Taroa â Tegakau, t. 6-6-39, Takaroa, 81 matahiti.

Tebinaitehatutahi â Nauta, v. 20-9-39, Tubuai, 21 matahiti.

TE TAUTURU I TE TAMA'I

Ua ran te huru o te tauturu a te taata atoa ra i to'na fenua e i to'na Hau.

Te tauturu na roto i te puai faehau. Te tauturu na roto i te horoa.

E no reira e tia i te u'i matahiti tano ia amo anaanatae i te hopoia toro'a faehau. E no reira e tia atoa'i i te feia paari ia amo atoa i te hopoia horoa. Te anaanatae o te faehau—no te patoi ia i te enemi. Te anaanatae o te feia paari—no te paturu ia i te faehau na roto i te faaitoito i nia i te ohipa faaapu—na roto i te horoa i te vahi e au e na roto i te faaherehere.

Ua ite hoi tatou e, ei Paeau Ohipa Raverave faehau pēpē e tia'i, e taua Pa-au Ohipa ra, o te ohipa ia a te Amuiraa Taiete Tatauro Ura—oia hoi, te "Croix-Rouge". Tei nia te faehau i te tabua aroraa i te ohiparaa. Tei muri taua Taiete ra i te raveraveraa ia ratou. E tei muri roa mai hoi te feia paari no te faanavairaa'tu. Tei i o tatou nei taua Taiete Tataura Ura ra—Na te mau Vahine Farani o te Fenua nei e amo ra i te reira hopoia.

E no reira, e faaitoito, e faaherehere e e horoa aau tae tatou atoa ia tae i te taime faataahia. E piti tau na mea hau roa i te ao nei: maori rā ia, te Faaitoito e te Aroha.

Ia na reira tatou atoa e tia'i.

RURU

O PURUTIA TE ATI I ROTO I TEIE TAMA'I

I te omuaraao teie tuatapaparaa, e haameharahia'tu te mau tuuraa reo teiaha e te teoteo o Hitler te Upoo faatere o te nunaa purutia vare hape ia'na. E taua reo o Hitler ia: Ia tae i te taime e tupai ai au i to te ao nei, e au ia mai te uira patiri i te po ra. Na taua tuuraa reo ra e faaite haapupu mai ia tatou e, ua faaineine e ua vai ineine te puai tama'i o Purutia no te na reira i to te ao nei—mai te tiaturi papu hoi Hitler e to'na nunaa e, e manuia taua opuaraa ra. E te tumu i rahi ai to Purutia tiaturi i nia i to ratou puai—no te mea ia o ratou ana'e tei opua, o ratou tei faaineine, e o ratou ana'e tei hiaai i te mana teoteo faatere i te ao nei, e mai te opua haru faahou i te mau

tufaa fenua o tei faahoihia e te mau Hau amui i te mau Basileia rii nainai i muri a'e i te tama'i rahi 1914-1918 ra. E tei hau roa'tu, o te opuaraa ia a Purutia e nanao i to'na mau fenua aihuaraa mahere i te mau Hau amui. E taua faaho'iraa ra, e mea oti mana roa ia na roto i te parau fafau ravehia e te mau Hau amui e o Purutia atoa hoi; e mai te reira mai taima to Farani e Paratane haapaoraa i taua parau fafau ra, area o Purutia ra, mai te reira mai â taima to'na haamau'araa i te faufaa a te nunaa purutia i nia i te puai tama'i.

E hoê roa ra ia mana'o ferurihia e Hitler e to raro a'e ia'na—maori râ ia te haameumeu i to'na nuu faehau—i to'na nuu manureva, i to'na nuu tank (Pâ auri ta hui) e i to'na nuu pahi hopu na raro. E ta Purutia faanahoraa, o te tupai faaoioi noa ia Farani e Paratane ma na roto i te hoê faa'iraa amui e te faahitimaue, mai te tiaturi Purutia i nia i to'na puai uta, to'na puai moana e i to'na puai na te reva. Te puai manureva e te tank Purutia, ua tamatabia e te purutia iho, a tanturu ai te nuu Purutia i te paeau Paniora orurehan o tei aro i te paeau Paniora Repupirita i na ava'e i mairi a'enei. E i te 9 no Atopa nei, aita e haapaoraa te tank Purutia i te tank Farani. E aita roa tei tiaturihia e Purutia i rahi te manuia i roto i taua tama'i Paniora e Paniora iho ra.

Te parau no te nuu pahi purutia hopu na raro, ua tapitapi roa ia Purutia i roto i teie tama'i no te farereiraa ratou i te tahatuaraahia o Purutia e te nuu tia i te paruru moana a Farani e a Paratane. E te tapao faaite papu mai e, e oia mau â teie mau feruriraa i nia nei, o teie ia:

Aita re'a e pahi auahi paratane i ati i roto i na hebedoma matamua nei o teie tama'i. E mai te mea hoi e, ua ati te vetahi tima Paratane e Farani i te pahi hopu na raro o te enemi—no te mea ia ua tae e na i rapae i Purutia taua mau pahi hopu ra, hou te haamataraa o teie tama'i. E mai te mea hoi e, ua ati taua mau tima ra—no te mea atoa ia e, to Paratane e to Farani ana'e te mau tima e teretere ra na te moana mai te tapuni ore. Area te mau tima Purutia ra, aita roa ia e teretere faahou—te tapuni ana'e ra ia i Mexico, i Paniora, i Tapone e i Rutia.

Te parau no te nuu faehau Purutia ra—mai te huru ra ia e, aita i rahi te faahiahia. E teie te tapao papu—aita Polane i roa i te haru mai tei tiaturihia e Hitler. Inaha, ua tamata te nuu Purutia i te aro i te nuu Polane nainai roa, e aita i manuia. E no te manuia ore, ua na roto te nuu Purutia i te mau ravea etene roa—oia hoi, te mau ravea totoâ i te huiiraatira, mai te aroha ore i te vahine e i te tamarii, e mai te na roto hoi i te ravea paura ta raau taero. E noa'tu te rahi o te nuu Purutia, e noa'tu tera mau ravea tia ore, aita roa te nuu iti Polane i vî e inaha nei e, e a muri noa'tu. O te ofai pupuhi a te nuu Polane tei vî, eiaha râ te itoito o te nuu e o te huiiraatira Polane o tei aifaito to ratou itoito vî ore.

E noa'tu â ia e, ua manuia taima poto noa te ohipa tia ore a Purutia i Polane na roto atoa i te horomiiraahia te tahi tufaa rahi e te Rutia—te paari tuu ore noa ra te itoito e te ho'i ore o te Polane, e te faatupu maira te Polane i te hoê nuu Polane i Farani e te tupu noa ra hoi i Farani atoa te faatereraa Hau Polane i Paris. Ua tae hoi i te nunaa Polane e vai maira i Polane, i raro a'e i te faatere haavi a te Purutia e i te faatereraa communiste a te Rutia, te poroi a te faaterehan Polane i Farani e: Tiai maite ma te faaoromai i te mahana o te upootiaraa o te PARAU-TIA.

Mai te
lane i Fa

Te par
ri a'enei
i Tcheco
ta ratou
maira te
rutia na
ia Polane

tlar. E n
ore a te f

Ua ma
o teie tan
te mana
i to Puru
atoa rato
ni e te n

E i teie
hape roa
te farerei
Hau Am
tera mah
noa'tura
Basileia

E no t
ore atura
ore Hitle
hana a'e
mai te fa
taatoa i t
na te hoê
PARAU-T
pao e i fa
Hitler i

E no t
ia raua
ma'i a H
e titauhi
raraa o t
te mea e

Ua fa
tia ia rat
i nia ia
e te ha
rohia'i e
aita oia
mau ino
mau Ha

Ua fa
eita to'n
to Purut
e Parata
te faaor
roto i te

Mai te faaite atoa'tu te Tenerara Folane e, te faaineine maira te nuu Polane i Farani e na te pae nuu Farani atoa ratou te aro i te nuu Purutia.

Te parau hoi o Tcheco, te nunaa i ati i te Purutia i te matahiti 1938 i mairi a'enei na roto i te haru-tia-ore-raa-hia ratou e Purutia, te peapea noa ra i Tcheco e inaha nei, no te mea eita ratou e rata i te Purutia e no te mea eita ratou e farii i te faatereraa teiaba a Purutia i o ratou. Te faatupu atoa maira te Tcheco i te hoê nuu Tcheco i Farani no te aro faahou i te nuu Purutia na te paeau i tooa o te râ. Ua riro te huru i tupu i nia ia Tcheco e ia Polane ei faaite i to te ao nei i te huru ino faito ore o te faatereraa a Hitler. E no reira ua tia roa te faahaparaa a to te ao taatoa nei i te ohipa tia ore a te faatereraa Hau Purutia.

Ua mana'o papu atoa Hitler e to raro a'e ia'na e, i na mahana matamua o teie tama'i e vî Farani e Paratane i nia i te fenua, e e roaa oioi noa ia'na te mana i nia i te mau moana atoa no te faahie i ta'na opua haru faahou i to Purutia mau fenua aihuaraau na tera e tera moana. Ua tiaturi papu atoa ratou e, to ratou ana'e te puai na te reva; e e ri'ari'a te nunaa Farani e te nunaa Paratane i te reira.

E i teie taime ua ite taua mau upoo faatere ia Purutia ra e, e tiaturiraa hape roa ta ratou—no te mea tei nia i te fenua purutia te aroraa faehau—te farerei ra hoi te nuu manureva Purutia i te puai o te nuu manureva a na Hau Amui—te ati atoa ra hoi to Purutia nuu pahi hopu na raro i tera e i tera mahana. E no te hepohepo o taua feia Purutia ra i te reira, ua topita noa'tura te mau pahi hopu na raro Purutia i te mau pahi hara ore o te mau Basileia rii tama'i ore ra: Danemata, Norovetia, Tuete, Heleni e Holane.

E no te farerei-atoa-raa ratou i te mau tapao e rave rahi e e hopea faufaa ore atura to te pen haavi, to te tupai taata, to te eiâ fenua, ua faaite huna ore Hitler i to'na hinaaro ia hau oioi te tama'i. Ua orero hoi Hitler i na mahana a'enei mai te hohora haama ore i ta'na mau haavare i mataro ra, e mai te faaite papu i to'na hinaaro ia faaea roa te tama'i. Ua faaroo to te ao taatoa i to Hitler mau tuuraa reo e ua faarirohia ta'na parau ei mau parau na te hoê taata mataro i te haavare, e eita roa hoi te mau Basileia faatura PARAU-TIA e farii i ta'na mau parau, no te mea aita a'enei â Hitler i haapao e i faatura i te mau parau fafau oti tahito e te mea oti apî—e aita hoi Hitler i haapao i ta'na iho mau tapû.

E no teie mau tumu ua pahono Farani e Paratane e, eita roa e nehenehe ia raua ia farii ei parau faufaa te mau parau e te mau aniraa e ei hau te tama'i a Hitler. E eita roa Farani e Paratane e tau i ta raua aveia no te otia e titaubia e raua ei hoo no te ino faatupuhia e Hitler e no te faaho'i i te oraraa o to te ao nei i nia i te oraraa hau e te fana'o papu e te tumu roa. No te mea aore e faufaa i te hoê hauraa tama'i taime poto e te tumu papu ore.

Ua faaite haapapu hoi te mau upoo faatere ia Farani e ia Paratane e, e tia ia ratou ia faahau i te tama'i mai te mea e ore te faatereraa a Hitler ma i nia ia Purutia, e ia monohia te reira faatereraa i te hoê faatereraa tiamâ e te haavare ore e te faatura i te PARAU FAFAU. Te piti o te tumu i faarirohia'i ei mea faufaa ore te aniraa a Hitler e, ei hau te tama'i, o te mea e, aita oia i faaô i roto i ta'na mau parau te hoê a'e parau no nia i te hoo o te mau ino haapohe taata, i te hoo o te mau ino tuparari oire e te faufaa a te mau Hau e a te taata rii.

Ua faahiti faahou râ Hitler i roto i ta'na mau parau orero e, mai te mea eita to'na hinaaro faahau tama'i e faatiabia, e faaite ia oia i to te ao nei i to Purutia puai taa e mai te aroha ore roa i te taata rii. Ua pahono Farani e Paratane e, ua ineine te nunaa Farani e te nunaa Paratane i te patoi e i te faaoromai hoi e tae noa'tu i te hopea maitai o te puai tama'i ravehia na roto i te tama'i afaro, e te tamai e tano no tera huru e opuahi maira.

RURU

UIRAA E TE PAHONORAA

E hia huru faatereraa i te ao nei?

E piti—te faatereraa Mana Huiraatira, oia hoi, te faatereraa Repupirita, e te faatereraa Mana Upoo tahi, oia hoi, te faatereraa Mana Taata hoê.

O vai na Basileia faatereraa mana Huiraatira ?

O Farani ma ia.

O vai te mau Basileia tei reira te faatereraa mana Upoo tahi ?

O Purutia ma ia.

O teihea te faatereraa tia e te mārū ?

O te faatereraa ia a Farani ma.

Eaha te tapao faaite e, o ta Farani ma te faatereraa hau roa i te tia e i te maitai ?

No te mea ua ite-papu-hia te maitai o te hotu i raro a'e i te faatereraa e i te ture farani i te nunaa farani tumu e i te nunaa aihuaraau farani.

Eaha te mau tumu faaite i te ino o ta Purutia ma faatereraa ?

O te mau faateiaha ri'ari'a, o te mau haapiiraa ino, o te mau ture, o te opahi mana'o taata e o te hamani ino taata ia e itehia nei.

Eaha te huru o te mau nunaa aihuaraau farani i raro a'e i te faatereraa a Farani ?

O te Aitiamâraa, o te Aitahoêraa e o te Autaeaeraa ia.

Eaha te huru o te nunaa purutia iho ?

Aita roa te mau huru i nia nei.

Eaha te huru o te faito o te mau moni aufau e te tute i o tatou ?

E faito mārū roa i te tau tama'i ore, e e faito mārū i te tau tama'i e i muri a'e hoi i te tama'i.

Eaha te huru o te faito o te mau moni aufau e te tute i raro a'e i tera mau faatereraa Upoo tahi ?

E tapu ATI ia.

Ua aha Farani mā i muri a'e i te tama'i rahi 1914-1918 ra ?

Ua faatupu i te au maite, te hau e te fana'o.

Ua aha Purutia i muri a'e i taua tama'i rahi ra ?

Ua faaineine no te faatupu i teie tama'i apî.

O vai te mau Basileia i tiamā i mua i to te ao nei ?

O Farani ma ia.

O vai te mau Basileia faahapehia e to te ao nei ?

O Purutia ma ia.

RURU

Te hoo: e 5 farane i te matahiti; e 10 fr. no na matahiti e 3.

Neneihia i roto i te Piha Neneiraa a te Ekalesia a Iesu Mesia I Te Feia Mo'a i Te Mau Mahana Hopea Nei, Papeete, Tahiti.

Marcel Bonnet Gérant. K. R. Stevens, Imprimeur. Uel C. Hunting, Editeur.
Rue Dumont d'Urville, Orovini, Papeete, Tahiti.

T

TE

U

posetol
ma te c
e te pe
i na ha
he a'e.

Taua
faaruer
ratou
te evar
Atua i
manar
sileia a
raa-hia
i te ho
mau fe
reo atc
ra'i m
ia ore
outou i

Ua t
taua m
mau n
vaneli
te mau
Ioseph
fariira
nei. E
lia i te
no te
te rein